

307

Die 18va - 19na. Aeger plane sui compos
cibum adpetivit et vinum. Oculi vivaciores,
loquela expeditior; sensibilitas major; conquestus
dolores a vesicatorio ad suras ortos. Susurrus
aurium, ad utramque gravior auditus; lingua ma-
dida, cutis sicca. Pulsus æquales; celeritate mi-
nuti. Continuentur medicamina.

Vespere. Exacerbatio vix ulla.

Die 20ma. Nox queta: sensus virium de-
jectionis ægro gravissimus. Sopor talis, ut vix
excitari posset; lingua arida, rubens; oculi de-
biliores; pulsus inæquales, intermittentes; alvus
fluida semel mota.

Quum ob meliorem ægri conditionem heri
visam pulveres ex Camphora tres per diem su-
mendos suaserimus, hodie omnia medicamina
modo supra designato repeti jussimus.

Vesperi. Aeger alacrior, facilitori negotio
sopore excitatus; pulsus æquales; vox libera;
alvus amplius non fluida.

Die 21ma. Nox bona; sopor evanuit; lin-
gua paulisper humida; cutis arida; pulsus parvi,
dolores colici. Ordinabatur:

R. Camphor. gran. tria.

Moschi optim. gran. duo.

Sacchar. albi scrup. unum.

M. F.

Pulv. dent. tal. doses duodecim.

S. Capiat omni bihorio dosin unam. Pro potu
habeat Decoctum lichenis islandici cum ceteris.

Vesperi. Exacerbatio haud magna; reliqua eadem.

Die 22da. Nox inquieta, tussi frequente et
sicca æger vexatus; dolores colici mitiores, fere
nulli; pulsus parvi, facile opprimendi; lingua sicca.

Vesperi. Lenis exacerbatio.